

四庫全書

史部

欽定四庫全書

史部

金石文字記卷五

詳校官編修臣潘廷筠

編修臣程嘉謨覆勘

總校官知縣臣繆琪

校對官中書臣陸湘

謄錄監生臣王宮

欽定四庫全書

金石文字記卷五

崑山顧炎武撰

唐

國子學石經

周易二萬四千四百三十七字

尚書二萬七千一百三十四字

毛詩四萬八百四十八字

周禮四萬九千五百一十六字

儀禮五萬七千一百一十一字

禮記九萬八千九百九十四字

春秋左氏傳一十九萬八千九百四十五字

公羊傳四萬四千七百四十八字

穀梁傳四萬二千八十九字

孝經二千闕百闕十三字

論語一萬六千五百九字

爾雅一萬七百九十一字

五經文字

九經字樣

九經并孝經論語爾雅字樣等都計六十五萬二百五十二字

今在西安府儒學其末有年月一行題名十行曰開成二年丁巳歲月次于亥日惟丁亥書石學生前四門館明經臣艾居晦書石學生前四門館明經臣陳

珍書石學生前文學館明經臣

闕

書石官將

仕郎守潤州句容縣尉臣段絳校勘兼看書上石官
將仕郎守秘書省正字臣栢曷校勘兼看書上石官
將仕郎守四門助教臣陳莊士覆定字體官翰林待
詔朝議郎權知沔王友上柱國賜緋魚袋臣唐玄度
校勘官兼專知都勘定經書檢校刊勒上石朝議郎
守國子毛詩博士上柱國臣章師道朝散大夫守國
子司業騎都尉賜緋魚袋臣楊敬之都檢校官銀青

光祿大夫

闕

國子祭酒同中

書門下平章事太清宮使監修國史上柱國滎陽郡

開國公食邑二千戶臣覃

官銜缺十字九經字樣云右僕射魚門下侍郎國子

祭酒平章事覃

按舊唐書開成元年正月中書門下奏起居

舍人集賢殿學士周墀監察御史張次宗禮部員外郎孔溫業兵部員外郎集賢殿直學士崔球等同勅校經典釋文又云令率夏令韓泉充詳定石經官新唐書亦列墀等四人而碑並不載

舊唐書文宗紀開成二年宰臣判國子祭酒鄭覃進石壁九經一百六十卷時上好文覃以經義啓導稍折文章之士遂奏置五經博士依漢蔡邕刊碑列於太學創立石壁九經諸儒校正訛謬上又令翰林勒字官唐玄度復校字體又乖師法故石經立後數十年名儒皆不窺之以為蕪累甚矣舊史之評如此愚初讀而疑之又見新書無貶辭以為石壁九經雖不逮古人亦何遽不賢於寺碑冢碣及得其本而詳校

之乃知經中之繆戾非一而劉昫之言不誣也畧識
于左

周易 君子以裒多益寡裒誤作衰 悔吝者言乎
其小疵也言誤作存 其孰能與於此哉脫於字

周易繫辭下第八脫下字 易窮則變變則通通則
久是以自天祐之吉无不利下多一也字 力小而
任重小誤作少 傷於外者必反其家其誤作於

決必有所遇脫所字 蠱則飭也飭誤作飾 豐多

故親寡旅也故下多一也字 姤遇也姤誤作遘

其與今文不同而兩通者 終來有他吉他作它

剛健篤實輝光輝作輝 君子以治歷明時歷作厯

可與佑神矣佑作祐 其受命也如嚮嚮作響

兼三才而兩之三才之道也才皆作材

其一字而前後不同者 包蒙包荒包承包羞繫于

包桑

繫辭
下同

包皆作苞包有魚包无魚以杞包瓜包皆

作包 問以辨之由辨之不早辨也其辨明也明辨

暫也辨吉凶者存乎辭困德之辨也井以辨義辨是
與非辨皆作辨君子以類族辨物剝牀以辨君子以
慎辨物居方復小而辨於物辨皆作辨

其旁注者 至靜而德方德下添一也字 賁亨小
利有攸往利下添一貞字

其先誤而後改者 略例筌誤作荃 愈誤作喻
二无誤作無 皆即其誤改之

其標題周易繫辭上第七周易繫辭第八周易說卦

第九皆八分書而周易序卦第十周易雜卦第十一皆正書雖依古注本附於第九之內以正書為別終似未安

尚書 乃祖乃父丕乃告我高后曰作丕刑于朕孫
乃父誤作先父孫上多一子字 臣下罔攸稟令令
誤作命 若藥弗瞑眩藥誤作樂 王乃徇師而誓
徇誤作循 乃汝世讎世誤作誓 太保乃以庶殷
攻位于洛汭攻誤作公 用端命于上帝于誤作子

其與今文不同而兩通者 敢對揚天子之休命無
之字

其旁注者 予有亂臣十人臣字旁注 惟婦言是
用是字旁注 釋箕子囚封比干墓式商容閭干下
容下各添一之字

詩 小戎序國人則矜其車甲甲誤作田 舒懣受
兮懣誤作憂 予尾脩脩誤作脩 戎車既飭飭
誤作飾 以祈黃耆祈誤作祁 涼曰不可涼誤作

諒 無此疆爾界誤作介 侯疆侯以疆誤作疆
其與今文不同而兩通者 雝雝鳴鴈雝作雍之
死矢靡他他作它 不知我者謂我士也驕作不我
知二章同 和鸞雝雝雝作雍 何人斯序故蘓公
作是詩以絕之也以作而 維塵雝兮雝作雍 既
匡既敕敕作勅 其政不獲政從鄭箋作正 尚不
愧于屋漏愧作媿 于彼西雝肅雝和鳴有來雝雝
雝皆作雍 屢豐年屢作婁

其先誤而後改者 抱衾與裊誤作稠 不瑕有
害瑕誤作遐 鱸鮪發發誤作撥 噶沓背憎噶
誤作蹲 如彼遡風遡誤作憇 駟駟牡馬牡皆誤
作牧皆即其誤改之 云何其盱脫其字添

周禮 女史八人史誤作使 太宰三曰郊甸之賦
郊誤作邦 內饗豕盲視而交睫豕誤作施 典臬
掌布總縷紵之麻草之物總誤作絲 牛人軍事共
其犒牛犒誤作槁 司市市司帥賈師而從賈誤作

胥肆長掌其戒令令誤作禁鞞鞞氏府一人一

誤作八皂人崇門用瓢齋用誤作明司几筵設

莞筵紛純筵誤作席大司樂大磬磬誤作磬王

大食三侑侑誤作宥大師令奏鼓棟鼓誤作瞽

大祝四曰縢縢誤作縢司常家各象其號象誤作

相凡以神仕者仕誤作士小子史二人二誤作

一大司馬旗居卒間居誤作車考工記妨胡

之筭筭誤作筭矢人前弱則俛俛誤作勉

其與今文不同而兩通者 醫師疔瘍者疔上多一
有字 野廬氏有相翔者誅之誅上多一則字 邦
之大師大上多一有字 庭氏以救日之弓與救月
之矢射之射上多一夜字

儀禮 士冠禮捷柶興捷誤作建 鄉射禮司射適
堂西袒決袒誤作袒 福髻橫而奉之奉誤作拳
大夫與士射袒纁襦纁誤作薰 燕禮右祭脯醢脯
誤作醢 大射儀賓升成拜拜誤作敗 坐授瑟乃

降授誤作受 聘禮賓既將公事復見訝以其摯訝
誤作之 公食大夫禮陳鼎於碑南南面西上脫一
南字 覲禮天子賜舍曰伯父脫曰字 士喪禮祭
服不倒倒誤作到 少牢饋食禮如筮日之儀儀誤
作禮 主婦被錫衣侈袂侈誤作移下同 祝延尸
延誤作筵 有司徹二手執挑匕枋挑誤作桃 主
婦洗爵于房中脫爵字 主婦北面答拜受爵尸降
筵受主婦爵以降誤作受尸爵 主人降洗爵爵誤

作解下主人實爵竝同 主人拜受爵尸拜送脫爵
字

其與今文不同而兩通者 鄉射禮適左个中亦如
之亦作皆 燕禮小臣又請媵爵者二大夫媵爵如
初大夫下爰有大夫二字

禮記 御刪定月令在曲禮之前 月令人乃遷徙
徙誤作徒 其器閤以奄奄誤作掩 檀弓上周公
蓋祔祔誤作附 王制示弗故生也 示誤作亦 禮

器饗帝於郊而風雨節寒暑時脫節字 學記燕辟

廢其學辟誤作譬 喪大記男子出寢門外脫外字

子大夫公子衆士食粥脫衆士二字 哀公問如

此則國家順矣脫則字 坊記民猶薄於孝而厚於

慈猶下多一有字 中庸待其人而後行而誤作然

君子之所不可及者脫之字 緇衣有國家者章

義癩惡脫家字 儒行慎靜而尚寬脫而字 大學

人之其所親愛而辟焉五辟字皆誤作譬 若有一

个臣个誤作介

其與今文不同而兩通者 檀弓上有亡惡乎齊亡

作無 歲壹漆之壹作一 樂記非聽其鏗鏘而已

也鏘作鎗 雜記上客立于門西于作於 雜記下

泄柳之母死泄作世 喪大記命婦汜拜衆賓於堂

上於作于 主人先俟于門外于作於 中庸可一

言而盡也一作壹 問喪祭之宗廟以鬼享之享作

饗 大學堯舜帥天下以仁二帥字皆作率 昏義

祖廟既毀教于宗室于作於射義是以諸侯君臣
以作故

其先誤而後改者 學記教人不盡其材材誤作才
故人不耐無樂耐誤作能皆即其誤改之

春秋左傳 隱元年且告之悔且誤作具 五年僖
伯稱疾不從疾誤作侯 十年伐戴戴誤作載 桓

二年故封桓叔于曲沃故誤作政 六年楚之羸羸
誤作羸 以類命為象類誤作德 閔二年從曰撫

軍軍誤作國 僖三年公子友如齊涖盟涖誤作泣

四年歸胙于公脫胙字 姬寘諸宮六日宮誤作

公 公殺其傅杜原款傅誤作傳 七年弗可改也

已改誤作故 十四年公怒止之止誤作上 十五

年輅秦伯輅誤作轄 使郤乞告瑕呂飴甥且召之

且誤作國 二十五年昏而傅焉傅誤作傳 二十

七年責無禮也責誤作青 郤穀可穀誤作穀 三

十一年晉新得諸侯新誤作親 東傅于濟傅誤作

傳 三十三年入險而脫入誤作人 為從者之淹

淹誤作流 文元年王使毛伯衛來錫公命錫誤作

賜 享江芊芊誤作芊 二年廢六闕闕誤作闕

七年寘文公子焉焉誤作曰 十二年太子以夫鍾

與邲邲來奔邲誤作封 宣二年晉趙盾弑其君夷

皋弑誤作殺 二年晉侯伐鄭及邲邲誤作延 商

紂暴虐紂誤作討 四年秋公如齊秋誤作利 六

年離卦誤畫作同人 八年殺諸絳市絳誤作終

十二年晉師在敖郟之間師誤作帥 十五年吾獲
狄土土誤作士 十七年盟于卷楚卷誤作巷 郤
子其或者欲已亂於齊乎乎誤作平 十八年凡自
虐其君曰弑虐上多一內字 成二年及齊師戰于
新築師誤作侯 且辟左右且誤作旦 七年尋蟲
牢之盟蟲誤作蠱 十七年楚公子橐師襲舒庸橐
誤作橐 襄十年子矯曰矯誤作矯 今伐其師今
誤作令 十四年士鞅反反誤作及 十七年苟過

華臣之門必騁騁誤作聘 十九年而視不可含含
誤作舍 所不嗣事于齊者事誤作是 天子令德
天誤作夫 二十一年樂盈過于周過上多奔楚二
字 二十三年邾畀我來奔畀誤作卑 二十五年
先夫當之矣夫誤作天 井堙木刊堙誤作煙 賦
車兵徒卒甲楯之數卒誤作兵 二十七年父子死
余矣余誤作餘 免餘復攻甯氏餘誤作余 二十
八年重丘之盟未可忘也忘誤作志 使析歸父告

晏平仲晏誤作宴 文子使召之召誤作君 慶氏
之馬善驚馬誤作馬 武王有亂臣十人脫臣字
三十年蔡景侯為太子般娶于楚娶誤作聚 單公
子愆期期誤作旗 駟帶追之駟誤作四 昭元年
今武猶是心也今誤作令 二年齊使上大夫送之
送誤作逆 三年少姜有寵而死姜誤作齊 知而
復從復誤作弗 四年恃險與馬馬誤作焉 五年
娶於子尾氏娶誤作聚 君若驩焉好逆使臣若誤

作苦 九年無囿猶可囿誤作宥 十三年隱太子
之子廬歸于蔡廬誤作盧 十四年楚子使然丹簡
上國之兵於宗丘宗誤作宋 二十年余不忍其詢
詢誤作詢 取人於萑苻之澤苻誤作符 二十一
年心是以感感實生疾感誤作咸 二十五年士平
出奔楚士誤作氏 邊印為大司徒印誤作印 二
十五年季公鳥生申申誤作甲 二十七年入于堀
室堀誤作握 定元年榮駕鸞駕誤作駕 三年及

邾子盟于拔拔誤作技 八年子姑使溷代子代誤
作伐 十年駟赤謂侯犯曰赤誤作亦 哀四年盜
殺蔡侯申殺誤作弑 蔡昭侯將如吳蔡誤作葬

十六年與晉人謀襲鄭晉誤作為 二十三年有不
腆先人之產馬馬誤作焉 二十六年四方其訓之
訓誤作順

其與今文不同而兩通者 宣二年以視諸朝視作
示 哀十六年此事克則為卿事下有也字

其續添者 昭二十二年辛丑伐京毀其西南下添
子朝奔郊四字

春秋公羊傳 隱元年何以名字也字上多一不字

二年婦人謂嫁曰歸嫁誤作稼 三年曷為或言

崩或言薨脫上一或字 生母相見死母相哭母字

竝誤作母死母誤作母死 六年吾與鄭人未有成

也未誤作未下同 十年宋人蔡人衛人伐載載誤

作戴 桓二年曰有有則此何以書脫一有字 隱

賢而桓賊也賊誤作賤 莊十九年此其言遂何脫
其字 二十五年求乎陰之道也陰誤作隱 三十
二年狄伐邢邢誤作刑 僖四年南夷與北狄交誤
作北夷 六年此其言圍何圍下多一者字 二十
六年乞師者何脫師字 三十年歸惡乎元咺也乎
誤作于 三十三年百里子與蹇叔子百誤作伯
文四年其謂之逆婦姜于齊何何誤作河 宣十五
年然後歸爾爾誤作耳 成十五年成公幼幼誤作

憂 臧宣叔者相也叔誤作公 襄十四年季孫宿
會晉士匄宋華閱衛孫林父鄭公孫蠆莒人邾婁人
于戚邾婁人脫人字 十七年春王二月二誤作三
十九年為其驕蹇為誤作或 二十九年許人子
者必使子也人下脫子字 昭九年其言陳火何脫
陳字 定元年立煬宮宮誤作公 四年夷狄也而
憂中國而誤作其 哀四年盜殺蔡侯申殺誤作弑
六年齊國夏及高張來奔高上多一齊字 十四

年顏淵死子曰子上多一孔字

其與今文不同而兩通者 隱四年隱公曰否作隱

曰吾否 桓六年簡車徒也徒作馬 淫乎蔡乎作

于 十一年祭仲者何鄭相也相上有之字 文六

年何以謂之天無是月非常月也是月下夏有是月

二字 宣六年此非弑君而何而作如 十年未絕

於我也於作于 十二年是以君子篤於禮而薄於

利下於作于 成二年得一貶焉爾一作壹 襄十

二年春王正月正作三 二十九年爾殺吾君殺作弑 三十一年於是負孝公之周愬天子愬作訴

十四年有麇而角者麇作麇

其先誤而後改者 桓二年此其目言之何目誤作月 閔元年盍弑之矣使弑子般弑竝誤作殺 僖

十三年葬陳宣公宣誤作桓 成二年及齊侯戰于鞏侯誤作師 昭二十五年慶子免君於大難矣脫矣字皆即其誤改之

春秋穀梁傳 隱元年父者何傳也傳誤作傳 四

年弑而代之也代誤作伐 九年所俠也俠誤作挾

莊七年則是雨說也雨誤作兩下同 僖五年天

子世子世天下也誤作士子 二十二年春秋三十

有四戰脫有字 二十八年晉侯齊師宋師秦師誤

作齊侯 文二年內大夫可以會外諸侯脫外字

三年王子虎卒誤作壬子 宣八年以譏乎宣也譏

誤作饑 襄元年晉侯使荀營來聘營誤作嬰二年

三年同 三年諸侯始失正矣正誤作王 六年立
異姓以蒞祭祀立上多一非字 哀元年此該之變
而道之也該誤作郊 六年入者內弗受也弗誤作
不下同

其與今文不同而兩通者 僖十七年桓公嘗有存
亡繼絕之功脫公字 文六年處父主境上事事上
多一之字 成五年帥羣臣而哭之前作率後作帥
其先誤而後改者甚多不具載

論語

賜也爾愛其羊爾誤作女 不知其仁仁誤

作人

子使漆雕開仕雕誤作彫 再斯可矣斯誤

作思

三人行三上多一我字 必有我師焉有誤

作得

冉有子貢侃侃如也有誤作子 告夫三子

三上多一二字

可與言而不與之言脫之字 無

求生以害仁仁誤作人

吾猶及史之闕文也脫之

字

稱諸異邦曰諸誤作謂

何德之衰衰下多一

也字

其與今文不同而兩通者 女得人焉爾乎爾作耳
人潔已以進潔作絜

其先脫而後添注者 陽貨篇子曰巧言令色鮮矣

仁

爾雅 替戾底廢誤作底底 翻燾也翻誤作翮

皇華也誤作華皇 赫兮咺兮咺誤作烜 是刈是

穫誤作獲 木謂之虞木誤作本 何鼓謂之牽

牛何誤作河 澤烏瓊瓊誤作瓊 苧麻母苧誤作

孛 獲索含獲誤作攫 祝州木祝誤作祝 魚尾
謂之丙尾上添一之字 燕白脰鳥鳥誤作鳥 楊
鳥白鷹楊鳥誤作鷲 鳶鳥醜鳥誤作鳥 鳥鵲醜
鳥誤作鳥 麇大麇誤作大麇

凡經中二十字皆作廿三十字皆作卅按古詩之文
多是四言如于三十里三十維物皆四言也則當為
三十字史記秦始皇刻石如卅有六年維卅九年卅
有七年則當為卅字卅字今改經文而為卅卅字非

矣

凡經中虎字皆缺末筆作虍虍號齧齧齧齧齧字皆
同避太祖諱 淵字皆缺筆作澗淵亦作媮避高祖
諱 世字皆缺筆作卅世作洩紕作紕棄作弃勸作
勸葉作蒸添捺棘棘諫堦係皆改從云 民字皆缺
筆作巳岷作吐岷作岷泝昏昏昏昏昏皆改從
氏避太宗諱 亨字皆作亨避肅宗諱 豫字皆缺
筆作豫避代宗諱 适字皆缺筆作适避德宗諱

誦字皆缺筆作誦避順宗諱 純字皆缺筆作紆避

憲宗諱 恒字皆缺筆作恒避穆宗諱 湛字皆缺

筆作湛甚作甚堪作堪避敬宗諱 乃若高宗諱治

中宗諱顯睿宗諱旦玄宗諱隆基文宗諱涵皆不缺

筆者禮天子事七廟自肅至敬七宗而高祖太宗創

業之君不祧者也玄宗以上則祧廟也故不諱

冊府元龜

寶歷元年正月太常寺禮院上言玄宗廟諱准故事祧遷後不當更諱制可 文宗則今上

也古者卒哭乃諱故生不諱 左傳文公宣公卷字

夏濫惡而成城字皆缺末筆穀梁襄昭定哀四公卷

儀禮士昏禮皆然此為朱梁所補刻考之宋劉從乂

黎持二記但言韓建劉鄩移石而不言補刻宋建隆三年劉

從乂修文宣王廟記言天祐甲子歲太尉許國公為
居守移大學并石經於此甲子歲昭宗遷雒之年許

國公者韓建也元祐五年黎持新移石經記則云舊
在務本坊自天祐中韓建築新城而石經委棄于野

至朱梁時劉鄩守長安從幕吏尹玉羽之請輦入城
中置于此地即唐尚書省之西隅也今龍圖呂公頌

漕陝右以其處窪下命徙置於府學之北墉而建亭
焉二說不同朱彛尊曰尹玉羽者京兆長安人以

孝行聞劉鄩辟為保大軍節度推官歷雍汴滑兗從
事仕後唐至光祿少卿晉高祖召之辭以老退歸關

中嘗著自然經五卷武庫集五十卷其事散見於冊
府元龜惜歐陽子不為立傳而其書亦不傳於世也
然成字缺筆其為梁諱無疑昔人固未嘗徧讀而博
考也詳見鎮東軍牆隍廟記下

五經文字三卷凡一百六十部三千二百三十五字
大歷十一年國子司業張參以說文字林兼采漢石
經著為定體按劉禹錫國學新修五經壁記曰大歷
中名儒張參為國子司業始詳定五經書於論堂東
西廂之壁辨齊魯之音取其宜考古今之文取其正

由是諸生之師心曲學偏聽臆說咸束而歸於大同
積六十載崩剝汙蠖泯然不鮮今天子尚文章尊典
籍國學上言遽賜千萬時祭酒皞博士公肅

韋公肅

遂

以羨羸再新壁書懲前土塗不克以壽乃折堅木負
墉而比之其製如版牘而高廣其平如粉澤而絜滑
背施陰關使衆如一附離之際無迹而尋堂皇靚深
兩屋相照申命國子能通法書者分章揆日懸其業
而繕寫焉此文當作於太和年間自土塗而木版自

木版而石壁凡三易矣乃今石刻其末曰乾符三年

孫毛詩博士自牧以家本重校勘定

當云毛詩博士孫自牧於文乃

順

七月十八日書刻字人魚宗會其字別體與朱梁

所刻相類而本文不然當是開成中所刻其中有磨改數字者意自牧所為也

九經字樣一卷凡七十六部四百二十一字國子監奏覆定石經字體官翰林待詔唐玄度狀准太和七年十二月五日勅覆定九經字體者今所詳覆多依

司業張參五經文字為准其舊字樣歲月將久畫點
參差傳寫相承漸致乖誤今並依字書參詳改正諸
經之中別有疑闕舊字樣未載者古今體異隸變不
同如總據說文即古體驚俗若依近代文字或傳寫
乖訛今與校勘官同商較是非取其適中纂錄為新
加九經字樣一卷請附於五經字樣之末奉勅宜依
開成二年八月十二日中書門下牒

冊府元龜周太祖廣順三年六月尚書左丞兼判國

子監事田敏獻印板書五經文字九經字樣各二部
一百三十策奏曰臣等自長興三年較勘雕印九經
書籍經注繁多年代殊邈傳寫紕繆漸失根源臣守
官膠庠職司較定旁求援据上備雕鐫幸遇聖朝克
終盛事播文德於有截傳世教以無窮謹具陳進是
此二書曾有印板而自宋以來學者不言之何也

梓州刺史馮宿碑 王起撰 柳公權正書并篆額

今在西安府儒學其文後半已漫漶不辨年月其首

云開成元年十二月又云明年五月云

基公塔銘 李弘度撰 沙門建初行書 開成四年

五月

今在西安府城南興教寺

大徧覺法師玄奘塔銘 劉軻撰 沙門建初行書

開成四年五月

今在西安府城南興教寺

太尉李光顏碑 李程撰 郭虔正書 開成五年

今在榆次縣

司直廳石幢 鄭模撰 裴諸書 庚申年正月是開

成五年 續有會昌元年評事李闕述一通

今在西安府城內

寂照和上碑 段成式撰 僧無可正書 顧玄篆額

開成六年正月

今在咸陽縣

贈太師崔陞碑 劉禹錫撰 柳公權正書 會昌元

年五月

今在偃師縣

大達法師玄秘塔碑銘

裴休撰

柳公權正書并篆

額 會昌元年十二月

今在西安府儒學碑陰有勅內莊宅使牒及比丘正

言疏大中六年四月

皇帝巡幸左神策軍紀聖德碑 崔鉉撰 柳公權正

書 會昌三年

拓本

重藏舍利記 采師倫正書 會昌六年九月

今在京師憫忠寺

此初復佛寺之文

周公祠靈泉碑 崔珙奏 答詔 正書 大中二年

十一月

今在岐山縣周公廟

杜順和尚行記 杜殷撰 董景仁草書 大中六年

關
月

今在西安府開佛寺

睿宗與司馬鍊師書三通 玄宗與司馬鍊師書一通

五言詩一首 司馬承禎狀一通 批答 韓抗正

書 大中八年五月

今在王屋山陽臺觀

圭峰定慧禪師傳法碑 裴休撰并書 正書 柳公

權篆額 大中九年十月

今在鄠縣草堂寺

吏部題名石幢 大中十一年十一月

今在西安府儒學按宋張舜民畫墁錄曰長安今府
宇即唐尚書省也府院即吏部也府錄廳前石幢即
郎官題名石也不知何年移此

鄭恒暨夫人崔氏墓誌銘 秦貫撰 正書 大中十
二年十二月

此即今世所傳崔鶯鶯者也年七十六有子六人與

鄭合葬此銘得之魏縣土中足辨會真記之誣而志墓之功於是為不細矣

修文宣王廟記 賈防撰 温孔裕奏 中書門下牒

正書 咸通十一年三月

今在曲阜縣廟中

修武安君白公廟記 正書 乾符五年十二月

今在咸陽縣

李克用題名 正書 中和五年二月

今在曲陽縣北嶽廟中

其文曰河東節度使檢校太保同中書門下平章事隴西郡王李克用以幽鎮侵擾中山領蕃漢步騎五十萬衆親來救援與易定司空同申祈禱翌日過常山問罪時中和五年二月廿一日克用記易定節度使檢校司空王處存看題至三月十七日以幽州請就和斷遂却班師再謁晬容兼申賽謝優取飛狐路却歸河東克用重記其下小字云天會十二年七月

六日尚書都官員外郎知曲陽縣事高君陳摹刊按
舊唐書云時天子播越中原大亂幽州節度使李可
舉鎮州節度使王鎔以河朔三鎮休戚事同惟易定
二郡為朝廷所有乃同議攻處存以分其地又云幽
鎮兩藩兵甲強盛易定於其間疲於侵寇賴與太原
姻好每為之援即其事也又按宋沈括筆談云嶽祠
在曲陽祠中多唐人故碑殿前一亭中有李克用題
名則知此字乃當時所刻或毀於靖康之兵火而金

人重刻之今石也然克用將門之子何能工於筆法
乃爾豈亦如宣和書譜謂後梁太祖批答賀表當是
筆吏所書之類與

朱彛尊曰文稱中和五年二月者即光啓元年考僖
宗以是年二月至鳳翔三月還京改元之詔猶未下
也通鑑言克用遣將康君立救處存而題名則云領
蕃漢步騎五十萬衆親來救援與通鑑異又云至三
月幽州請就和斷遂班師取飛狐路却歸河東則又

史所不及載者

重藏舍利記 正書 景福元年十二月

今在京師憫忠寺

蜀先主廟碑 郭闕撰 正書 乾寧四年

今在涿州樓桑村廟中剝蝕其首行曰婁居道重修

濟安侯廟記 李巨川撰 郭懷素正書 光化二年

四月

在華州城隍廟內近日移之西安唐昭宗自華州還

京改華州為興德府封少華山神為佑順侯華州城
隍神為濟安侯此文多述韓建之功稱太傅許國公
而不名

唐文粹錄房鄴少華山佑順侯碑頌與此同時

朱彛尊曰巨川為韓建掌書記撰許國公勤王錄以
媚建方昭宗幸華建請散殿後軍誅李筠圍諸王十
六宅皆巨川教之後為朱全忠所殺新唐書附諸叛
臣之列

修文宣王廟院記 高諷撰并書 正書 天祐十五

年四月

今在定州儒學碑稱太師中書令北平王者王處直也按舊唐書處直傳天佑元年加太保封太原王後仕偽梁封北平王檢校太尉又按通鑑梁太祖開平四年鎮定復稱唐天祐年號今此天祐十五年為梁之貞明四年晉王已拔楊劉矣

重修法門寺塔廟記 薛昌序撰 王仁恭正書 天

祐十九年二月

今在鳳翔府寺中

通鑑後唐莊宗同光二年封岐王李茂貞為秦王今此碑天祐十九年建而其文已稱秦王則在同光之前二年矣蓋必茂貞所自稱又史言茂貞奉天祐年號此碑之末亦書天祐十九年而篇中歷述前事則竝以天復紀年至天復二十年止亦與史不合

陽翟縣侯褚亮碑 八分書 以下無年月

拓本半缺

北嶽神廟之碑 鄭子春撰 崔鑲八分書 李邕篆

額

今在曲陽縣北嶽廟中

神字作豐下從旦禮記郊特牲所以交於旦明之義也鄭康成曰旦當為神篆字之誤也莊子有旦宅而無情死亦讀為神昔之傳書者遺其上半因誤為旦耳

畢邠乃是昴字省日作單邠已異又加一點用為胎
邠之邠豈古人邠邠通用歟金史有斜邠氏本竝作
邠而潞州五龍祠明昌癸丑祈晴碑有上黨尉斜邠
溫玉竟作夕旁从卩與此碑畢邠之邠同碑陰紀段
使君德政崔鏗撰并八分書

崔敦禮碑 于志寧撰 子立政正書

今在醴泉縣殘缺

張阿難碑 正書

今在醴泉縣殘缺

姜遐碑 姪邨公晞撰并書 正書

今在醴泉縣殘缺

安定郡王李光進碑 令狐楚撰 子季元行書

今在榆次縣

修北嶽廟碑 劉端撰 王知新行草

今在曲陽縣廟中記王處直修廟事

重修柏谷寺記 李愚撰 正書

今在潞安府

盤山題名 大字正書

薊州西北三十里盤山上有李靖舞劍臺李從簡曾
遊十大字刻於石按冊府元龜李從簡文宗開成初
為左金吾衛將軍兼御史中丞將命北庭不能專對
貶復州刺史意者其人乎

晉王墓二殘碑 正書

朱彞尊跋曰代州柏林寺東晉王李克用墓斷碑二

其一曰唐故左龍武軍統軍檢校司徒贈太保隴西李公神道之碑文曰公諱國昌字德興今為隴西沙陀人偉姿容善騎射蓋克用之父朱邪赤心也其一曰唐故使持節代州諸軍事代州刺史李公神道之碑文曰公即太保之次子也其名克字僅存餘可識者有公前躍馬彎弓及徐方等數字按史克用弟四人次曰克讓為振武軍校從討王仙芝以功拜金吾衛將軍宿衛京師賜第於親仁坊自克用稱兵雲中

殺守將段文楚詔捕克讓克讓與僕十餘騎彎弧躍
馬突圍出奔鴈門與碑文合則為克讓無疑但史載
克讓守潼關與黃巢兵戰敗匿南山佛寺中為寺僧
所殺不言其為代州刺史又得歸葬于代皆不可曉
者當歐陽永叔時去五代甚近沙陀世次已不得詳
其為唐家人傳謂太祖四弟皆不知其父母名號至
國昌字德興紀亦遺之是二碑永叔亦未之見也

淨住寺文賢劫像銘 八分書

今在西安府殘缺

魏國公主花臺銘 申屠液撰 正書

今在西安府南門內華塔寺

梁

鎮東軍牆隍廟記 錢鏐撰 開平二年歲在武辰

月

月字上
下皆空

今在紹興府卧龍山西岡上城隍廟中此碑以城為
牆以戊為武按舊唐書哀帝紀天祐二年七月辛巳

敕全忠請鑄河中晉絳諸縣印縣名內有城字並落
下如密鄭絳蒲例單名為文九月己巳敕武成王廟
宜改為武明王十月癸丑敕改成德軍曰武順管內

橐城縣曰橐平信都曰堯都欒城曰欒氏阜城曰漢

阜臨城曰房子避全忠祖父名也

全忠祖
信父誠

十一月乙卯

朔敕改潞州潞城縣曰潞子黎城曰黎亭甲申敕改河
南告成縣曰陽邑蔡州襄城縣曰芑孚同州韓城縣
曰韓元絳州翼城縣曰澮川鄆州鄆城縣曰萬安慈

州文成縣曰屈邑澤州晉城縣曰高都陽城縣曰獲
澤安州應城縣曰應陽洪州豐城縣曰吳高又按五
代史滑州唐故曰義成軍以避梁王父諱故曰武順
又冊府元龜開平元年五月甲午改城門郎為門局
郎曾子固跋韓公井記襄州南楚故城有昭王井故
城今謂之故牆即鄔也由梁太祖父名誠避之然則
城者誠之嫌名也冊府元龜言帝曾祖諱茂琳開平
元年六月癸卯司天監上言請改日辰內戊字為武

從之然則戊者茂之嫌名也

容齋續筆謂戊類成字故改之者非

然戊

本音茂不知何以有武音而鄭樵謂十辰十二日皆

為假借甲本戈甲乙本魚腸丙本魚尾丁本蠶尾戊

本武已本几又不知其說何所本也又如後漢執金

吾丞武榮碑云天降雄彥資才卓茂仰高鑽堅允文

允武則并茂字亦讀為武其來久矣

唐白居易詩有木名櫻桃得地

早滋茂與露去住顧妒樹賦為韻

僧彥修草書

乾化闕年

今在西安府儒學

後唐

李存進碑 呂夢奇撰 梁邕正書并篆額 同光二

年

今在太原縣

千峰禪院勅 明宗御書 天成元年

今在澤州盤亭山末有壘曰書詔新鑄之印

余所見宋元碑升作陞斗作斛石作碩蓋如數目之

借用壹貳等字務令筆畫繁多以防改竄今按此物
已用斛碩二字而水經注有五斛米道又云長湖南
有覆斛山又舊唐書字多作斛碩又韓文公河南令
舍池臺詩未許波瀾量斗碩則詩中亦用之矣

鄧士望勘正劉漫塘文集云斗字古作豆俗誤併為
一字作斛即杜詩秋雨歎亦然按漢書平帝紀民捕
蝗詣吏以石斛受錢已作斛

今浙西吳中人猶謂十斗為一石音石而北人讀石

為擔誤也漢書蒯通傳守儋石之祿注應邵曰齊人名小甕為儋受二斛後漢書宣秉郭丹吳祐皇甫規傳並作擔石注今江淮人謂一石為一擔擔音丁濫反史記貨殖傳醬千甌索隱曰音都甘反漢書作儋孟康曰儋石甕受一石一音都濫反揚子法言吾見儋石矣

冥福院牒 長興四年九月

今在泰安州冥福寺

此牒無押而每人各用一印兩樞密使趙延壽范延
光並見五代史准字與嵩山會善寺戒壇碑大曆二
年牒同

晉

建雄節度使相里金碑 李象撰 成知訓正書 天
福五年十月

今在汾陽縣小相里之北太師墓上五代史相里金
傳畧同惟傳云字奉金而此云字國寶傳云贈太師

而此云贈太子太師又封西河郡開國侯而史遺之
皆當以此碑為正也

碑云顓頊生大業大業生庭堅庭堅仕堯為大理官
至殷末有理徵為殷伯其孫仲明逃紂之禍故去玉
而稱里氏至周時晉有大夫里克其妻同成氏攜小
子季連避地居於相城時人遂呼為相里氏相里武
為漢御史相里覽為前趙將軍而莊子書言相里勤
之弟子韓非子言有相里氏之墨作碑者不能引也

今汾陽有大相小相二村相里氏之後尚有數十家

因考北齊寺碑題名多相里氏

史言武士韞娶相里氏士韞并州文水人

去此不遠

至今千有餘年而喬孫猶居於此不獨晉俗淳

樸而山谷之險猶足以自保故能累代不遷若山東

河南則兵火之餘人民亡散欲求元時遺族已寥寥

不可見矣

安邑縣北三十里亦有相里村

駙馬都尉史匡翰碑

陶穀撰

閻光遠行書

天福

八年

今在太原縣黃陵村

開化寺瑤巖閣記 蘓禹珪撰 蘓曉行書 開運二

年

今在太原縣蒙山寺內元人重刻

天龍寺千佛樓碑 李暉撰 劉守清行書 王廷譽

篆額 開運二年

今在太原縣

朱彛尊曰碑稱承鈞為睿宗皇帝繼元為英武皇帝

皆史所未及

周

邢郡初修六曹軒宇記 僧應文撰 正書 顯德元

年八月

今在順德府城西舊莊書不佳又多謬字

衛州刺史郭公屏盜碑 杜鞞撰 孫崇望正書 顯

德二年五月

今在衛輝府治郭進為衛州刺史羣盜屏跡世宗勅

右補闕杜韡序其事

龍泉禪院記 徐綸撰 王獻可後序并書 正書

僧師試篆額 顯德三年

今在陽城縣

內述天祐十九年按此地本屬梁此記乃追削梁號而稱天祐者

中書侍郎景範碑 扈載撰 正書

鄒平縣南五里有景相公墓通鑑後周顯德元年七

月癸巳以樞密院直學士工部侍郎長山景範為中書侍郎同平章事此地唐時屬長山也景氏之裔自洪武間有兩舉人今亦尚有諸生不能記其祖矣不知何年謬傳為晉之景延廣而邑志載之以後山東通志等書襲舛承訛無不以為延廣墓後有令於此者謂延廣在晉為誤國之臣遂至笞其後人而毀其祠昔年邑之士大夫亦有考五代事而疑之者予至其邑有諸生二人來稱景氏之孫請問其祖為誰予

乃取通鑑及五代史周世宗紀示之又示以景延廣

傳曰延廣字航川陝州人也其官為馬步軍都指揮

使非此明矣

宋史答居潤傳曰景延廣寓其族于雒

乃謝而去間一日

往郊外視其墓碑其文為翰林學士朝議郎尚書水

部員外郎知制誥柱國扈載撰

五代史扈載傳官銜同冊府元龜載初為

監察御史嘗游相國寺僧院作賦留題於壁帝聞之命黃門就其院錄之以進俄拜兵部員外郎知制誥

雖剝落者十之一二而其曰故中書侍郎平章事景

公諱範字甚明白且生封上柱國晉陽縣開國伯沒


贈侍中而其文有曰我大周聖神恭肅文武孝皇帝
建大功於漢室為北藩於魏郡又曰今皇帝嗣位登
用舊臣又曰冬十一月薨於淄川郡之私第其末曰
顯德三年歲次丙辰十二月己未朔越十日戊辰因
歎近代士人之不學以本邑之人書本邑之事而猶
不可信以明白易見之碑而不之視以子孫而不識
其先人推之天下郡邑之志如此者多矣

又按通鑑顯德二年八月丁未中書侍郎同平章事

景範罷判三司尋以父喪罷政事今碑文有云以列
卿歸第懸車故鄉嗟風樹之忽驚訴昊天兮何極則
是罷官歸里而後遭父喪與史不同宋史張美傳曰
世宗即位時宰相景範判三司被疾世宗命美為右
領軍衛大將軍權判三司或者以疾而罷罷而遭父
喪乎

王元美作李于鱗友人龔克懋妻景氏墓誌銘亦以
為延廣之後雖本其家之行狀然王李二公亦未嘗

究心於史學也



金石文字記卷五

欽定四庫全書

史部

金石文字記卷六

詳校官編修臣潘廷筠

編修臣程嘉謨覆勘

總校官知縣臣繆琪

校對官主事臣陳墉

謄錄監生臣張泰

欽定四庫全書

金石文字記卷六

崑山顧炎武撰

識餘

岱嶽觀王圓題名

右唐岱嶽觀碑題名之一此碑有開元十九年二十
年建中元年貞元十四年題名都督兗州諸軍事任
要行博城縣丞公孫臯二詩此碑前文從右方起後

詩并題名或從右方起或從左方起每層高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人即於空處插入大小高下俱無定準宋初亦然自大中祥符以後題名者乃別求一石刻之字體始得舒縱亦不與舊文相亂然石小易於搬取故題名愈多而存者愈少今之溝渠碾磨之間皆是物矣此碑西側面又有宋政和甲子題名一條

又按茶莽之茶與茶苦之茶本是一字古時未分麻
韻茶莽字亦只讀為徒東漢以下乃音宅加反而加
字音居何反猶在歌戈韻梁以下始有今音又妄減
一畫為茶字此碑兩見茶字皆从艸从余可見唐時
字體尚未變爾雅檟苦茶廣韻九麻中有茶字又有
茶字注曰俗是也

又任要題名曰貞元十四年正月十一日立春祭嶽
遂登太平頂宿其年十二月廿一日立春再來致祭

茶宴于茲曰茶宴者蓋唐時祭畢猶不用酒今不然矣

宋董元康題名

右小石刻在岱嶽觀予既錄唐碑往還數四道士謂余曰昨發地得石刻二請觀之其文亦可采因附焉
下題同此

盛勛題名

右小石刻在岱嶽觀戊戌乃政和八年其年十一月

已酉朔改元重和曰決獄者讞而決之古無仲夏斬
決之事也

宋真宗廣生帝君讚

右碑在泰山南麓青帝觀中宋真宗御製廣生帝君
讚并序其文及篆額皆御書青帝即禮記月令所謂
其帝太皞而史記封禪書秦宣公作密時於渭南祭
青帝唐書王璵傳請置春壇祀青帝于國東郊者也
夫帝者一而已矣易傳曰帝出乎震齊乎巽相見乎

離致役乎坤說言乎兌戰乎乾勞乎坎成言乎艮是周流于四時八卦之中而其為帝者一也家語載孔子之言曰丘也聞諸老聃曰天有五行水火金木土分時化育以成萬物其神謂之五帝古之王者易代而改號取法五行五行夏王終始相生亦象其義故其生為明王者死而配五行是以太皞配木炎帝配火黃帝配土少皞配金顓頊配水於是有五天帝五人帝之說漢儒因之遂立感生帝之名謂帝王先祖

皆感太微五帝之精以生鄭康成述春秋緯說蒼帝
靈威仰赤帝赤熛怒黃帝含樞紐白帝白招拒黑帝
叶光紀則王子雍諸儒所排駁而後世雖存五帝之
祀亦不遵用其名者也豈若易傳之言簡而當哉若
真宗之事又所不足論云

升元觀牒

右碑在泰山東南麓升元觀其大字草書甚遒勁不
知何人筆錄之以見當日牒文之式考宋史婁寅亮

傳但云政和二年進士為上虞丞不言歷官兗州亦
可以此碑補史之闕其曰太師魯國公則蔡京也

普照寺有金大定五年牒碑長春觀有元丁亥年牒
碑其式畧同金元碑並有印曰尚書禮部之印即今
通行大篆文不用女直蒙古字

宋范致君題名

右小石刻在泰山南麓后土廟

錢伯言題名

右碑舊在宋天書觀後人移之州城內嶽廟中西墀
古松下行書大徑寸餘

白龍池宋人題名

內供奉官李舜舉被命禱祀帝嶽奉香勝槩於壽聖節
日先歛青帝宮次詢白龍潭治平四年題

兗守劉袞奉詔祈雪于岱宗登絕頂翌日謁白龍池之
祠元祐丁卯孟春初四日奉符令林會題

貫道建欄於此以優游者元祐丁卯正月八日

范陽正輔再遊同魯國景元符丁丑三月廿六日

元符庚辰七月晦趙習之徐安國弟居仁孫正仲同遊
皇甫偁徐端朝孫憐同遊建中靖國元年三月廿六日

題

奉符令李珪因捕蝗恭謁白龍祠男彙侍行崇寧壬午
孟春初七日

誠中君寶德升崇寧二年八月廿六日自王母池來訪
此

董元康政和甲午重九日攜家來游質贄貢侍行

自恭觀元康兄留字政和乙未孟冬二十日

蒲陽陳國瑞子玉恭謁白龍池祠俯洞酌泉小憇而邁
政和丁酉夏前二日

姜子正子方李晉道劉言可刀文叔同來庚子四月

李顯道張公美王仲與張去塵庚子孟夏十九日同遊
池上

郵城李債弟俊侄贛隨侍遊此癸卯季春廿八日

鍾山四庫全書
卷六
張子觀水于池十三年春三月

右在嶽西傲來峰下白龍池石壁上平廣計二十餘丈書曰龍潭曰白龍池並大字其旁皆宋人題名尚未刊缺錄之得十五首其文畧無重複自治平迄宣和六十年間人名字亦可以想見當日太平之盛而金元以降洊遭兵火名山輿區委之榛莽無復有題名者矣

張子觀水于池篆書張字作彀按劉原父彀仲臣銘

釋鉅為張以為張仲之器歐陽永叔從之趙明誠金
石錄疑之黃長睿東觀餘論則云鉅其勿反非張字
考之玉篇信然然此云鉅子則為張子無疑蓋宋人
之好奇者據原父永叔所定之字而用之耳宣和博
古圖亦有周鉅伯匱 此條篆字大書無年號按宋
朝紀元無有至十三者若曰金元又不合一代全無
題名止此一人也

元聖旨碑

右碑在州城內嶽廟西偏延禧殿前又有至正四年
猴兒年聖旨碑其文畧同按元史泰定帝本紀有即
位一詔與此相類鄙嘖之語播之王言傳之史冊貽
笑後人然其曰每年燒香的上頭得來的香錢物件
只教先生每收掌者則是時香錢固未嘗以入官也
後世言利之臣蓋元之不如已

靈巖寺宋李迪詩

右小石刻在長清縣靈巖山寺中其山距府九十里

南接泰山北帶龍洞齊乘以為疑即水經之玉符山而魏書所云朗公谷者在其東南自前代稱為勝境宋金元人題字最多予至則當兵火之後縱橫偃蹇委之荆棘瓦礫之中然猶得唐一宋金合四十餘元以後不能悉數唐刻為天寶十一載造舍利函記文不工不足錄而宋刻年月序次以此為首按史李迪謚文定前後三知兗州其再任乃仁宗天聖中也

滕涉詩 祖無擇詩 孔舜思詩 張會宗詩 鮮于

自
卷六
供詩 寃亭卞詩 蔡安持詩 杜欽況詩 金玉珩

詩 路伯達詩 元傳亨詩

右石刻大小不一凡十三通俱在靈巖寺其它刻宋
時者則有田稹五言詩嘉祐五年王達千佛殿記元
豐庚申李公顏金像記元祐壬申卞育遊山記大觀
戊子郭思遊山記大觀三年住持仁欽篆書心經大
觀四年仁欽生老病死苦頌仁欽十二時歌仁欽靈
巖十二景詩政和元年淨照和尚誠文政和五年劄

付政和乙未趙子明題名靖康元年高直臣題名而
蔡下經碑四幅前元符二年十二月十三日書後建
中靖國元年十一月五日書在御書樓下特為書家
所珍又有面壁像碑宋建中靖國元年陳師道記金
皇統七年重立金時者則有皇統七年雲公禪師像
正隆丙子張汝為題名太定戊戌蕭守中題名明昌
六年本寺田園記明昌七年党懷英靈巖寺記元時
者則有蛇兒年大元國師法旨碑蒙古字至元龍兒

年帝師法旨碑蒙古字大德六年天童覺和尚照
銘至正四年察罕布哈書唵嘛呢巴彌吽一行漢字
一行蒙古字凡元碑最多不盡錄錄其稍異者有至
治元年呼都克郡王太夫人巴約特氏詩詩只二句曰
巖前松檜時時綠殿上君王歲歲春大字刻之亦不
類婦人筆也又有宋蘓子由五言詩驗為後人補刻
而復有子瞻徐州一歌誤刻於此其詩各見集中不
錄後之君子知予之所取者非以吹二氏之狂瀾拾

前朝之落艷而情深好古意在闡幽自有不能已者
且因以覽世道之汙隆考文辭之醇襍亦豈不為學
人之一助哉

北嶽廟李夏詩

恒嶽晨望有懷

定州司馬李夏

二儀均四序五嶽分九州靈造良難測神功匪易酬
恒山北臨代秀萼東跨幽瀕洞鎮河朔嵯峨冠嵩丘禋祠
彰舊典壇廟列平疇古樹侵雲密飛泉界道流從官叨

佐理銜命奉珍羞薦玉申誠效鏘金詎有由郊原照初
日林薄委徂秋塞近風聲厲川長霧氣收他鄉饒感激
歸望切祈求景福如光願私門當復侯

右詩在真定府曲陽縣北嶽廟中廟有唐時大碑五
其一韋虛心文陳懷志書行草其一張嘉貞文自書
其一鄭子春文崔鏗八分書其一李荃文戴千齡八
分書其一劉端文王知新書行草碑陰及兩旁刻字
皆滿其上層為積土所蓋而余至時倉卒求梯不可

得止就下方讀之大率皆貞元至天祐十數朝祭嶽
題名六有宋人刻字獨此詩在韋碑後文雖不工然
予見近代君子搜剔唐人之詩至於無名氏不知何
代人之作皆收而附之而此灼然不誤者乃不得與
斷簡殘編之列又北嶽廟自大碑之外絕無題詠故
特錄焉又有宋王禹偁陳彭年韓琦三大碑及白憲
書石幢一字皆可觀而稚圭自書逼真顏魯公世人
傳其字者罕也

惠明寺碑陰題名

太原縣北門外惠明寺塔碑宋元豐八年呂惠卿撰
并書其陰下方有此三十一大字餘題尚多不錄凡
碑文必面在先陰在後此碑元豐八年立為乙丑之
歲而陰所題辛亥反在其前十有四年不可曉也豈
非惠卿磨去前人之文而自刻之者與其陰歲月之
猶存則固心勞日拙而亦天理之未盡泯者與夫毀
人以自成君子之所深戒而今之名公貴人為此者

多矣歐陽詹所以悲顏魯公之碑而致弔于九江之
驛也悲夫古碑之所以多不存於世其不以此也哉
華嶽廟賈竦詩

右在華嶽碑之左旁此碑前後空處為宋人攬入題
名甚多幸正文皆八分書題名或隸或行不相混耳
而近代人踵刻者尚未止有一題曰崇禎十七年後
辛丑和州逸人戴逸孝再登嶽亦八分書

張惟一祈雨紀

金石錄卷六
右在述聖頌碑之左旁八分書

華陰縣令王宥等題名

右在述聖頌碑之右旁上為篆下為八分書唐有兩
上元年號此則肅宗時也

宋陳執中題名

右在碑陰韓賞文之下方有大厯九年華陰令盧朝
徹謁嶽廟文有貞元九年十三年題名其宋代所刻
惟此執中宋人所謚為榮靈者乃其書則不俗也其

碑之前左方下又有元豐乙丑王子文題名

拱極觀記跋

易曰神而明之存乎其人本觀舊記爰自聖朝靖康改

元中朝奉大夫薛公

名公度

所作刻諸琬琰意欲傳於久

昨緣兵革遽起大火縱焚致于泯滅其文則道之竊嘗

錄之以行逮今十三載矣經曰天地運度有數而不失

也道之雖至愚緬思景貺得非真君之密贊耶謹募工

重刊于石恭銘休美云時紹興九年歲次己未中元日

前西嶽知殿兼拱極觀主賜紫道士雷道之謹記

右小碑本在拱極觀觀已久亡萬曆中有人掇地得此碑置之嶽廟中與宇文周碑並立其碑文鄙淺無足采然吾於是有以見宋人風俗之厚而黃冠道流猶能念本朝而望之興復其愈於後世之人且千萬也夫紹興九年高宗方在臨安而金人有許和之約考之於史八年十二月丁丑詔金國使來盡割河南陝西故地通好于我令尚書省榜諭九年三月丙申

王倫受地于金得東西南三京壽春宿亳曹單州及
陝西京西之地四月辛亥命樓炤宣諭陝西諸路十
年五月金人叛盟陷永興軍則此地之復歸於宋蓋
無多日而雷道之一道士耳能于干戈喪亂之際而
繫思本朝辭微旨切以視夫士大夫之覲顏臣僕者
不大有逕庭邪余見朝邑藏春塢之記稱阜昌癸丑
而西安府學有華夷圖刻亦稱阜昌七年以偽齊劉
豫之號而欲壽之貞石豈不見此文而媿死也其沒

于土中久而後出豈陷金之後觀主埋之如鄭所南
井中心史之為邪

劉汾詩

右說經臺之左有碑前為老子度函谷關圖元大德
庚子刻後為希聲堂碑八分書延祐二年朱象先換
而此詩則在碑之左旁亦八分書不著年月詳其風
致當為元人之作草樓之前傳有老子繫牛柏後人
琢二石牛置其下故未句云然

霍山廟建文碑

維建文元年歲次己卯二月壬寅朔二十二日癸亥皇帝遣序班周敖國子監生袁綱致祭于中鎮霍山之神曰予荷昊天祐命承皇祖丕緒正大寶位統率神人乃正月壬午祇祭上帝於南郊山川百神既與奠享尚以未能特修祀事于祠下為憾是用遣官奉香幣牲醴致祭維神以靈峻之德作鎮中土時出雲雨協相兆民以稱予懷柔之意焉尚饗

右小石刻一通在霍山中鎮廟西壁上予行天下見
洪武永樂以來祭告嶽瀆之文及它碑記甚多獨未
有建文年者意其在位日淺又或文皇御宇之日而
臣下之獻諛者從而剷去之也乃此文雜於數千百
碑之中而字畫完好無缺故亟錄之後之君子每痛
國史不存建文一代事蹟無從考證若使通雅之士
歷深山窮谷而求之如此碑者世間或尚有一二不
止霍山廟也不猶愈於羅永菴之詩程濟史彬之錄

偽撰而無稽者乎因并書之以告後人之能信古者

諸碑別體字

漢孔子廟禮器碑

祖桓

組豆

土仁

疑

泰山都尉孔宙碑

彫幣

弊

張表碑

頑訥

凶

荷慙

苛忒

金鄉長侯成碑

滋滋

孳

履真

淳于長夏承碑

策薰

勳

皓昊

天

咳孩

孤

博陵太守孔彪碑

拊

拯馬

魯峻碑

樂於陵灌園之契

潔

當登緄

表

職

尹宙碑 支判流僊遷 鉅鑣鹿

白石神君碑 黍稷稻稂梁

曹全碑 巴郡胸忍令

巴郡太守樊敏碑 暫析為韓魏 米巫凶虐 歲

在汁協洽

析里橋郾閣頌 醴釋散關之潮濼濕

魏受禪碑 璿機機 大鹿麓

大饗碑 岐陽之狻菟

封孔羨碑 捐輯五瑞斑班宗彛 大皓太暉

建城鄉侯劉靖碑 隙隰

後魏弔殷比干墓文 遷遷 征征 睇睇 荆棘棘

工為縣蔓茂 稟稟 扶扶 葵蔽 黥黥 黥黥

堯堯 桀桀 沉酒而不知甲兮終或以貽戾甲下

當有子字或當作
感已謂妲己也 寘疑 樹兮英風 蔡菊 寘寘

奮奮 豐豐 悖悖 綱綱 竊竊 毘鬼 邢

侯已脯當作
鄂侯 其箕子 嗟人生疑 多殃 往往

者 厥 屯 亶 遄 永 乖 良 嶺 顛 亾 骨 脊 宇

傳 冤 疑 業 以 循 修 長 殷 亲 辛 趾 止 故 鄉 乘

杵 桴 條 條 翔 翔 翔 电 曳 状 容 之 箱 葩 裳 澗

飄 颺 執 垂 益 而 談 卡 疑 兮 憶 攄 苦 登 此 疑 巖

六 螭 螭 遙 裊 裔 帶 帶 訐 訐 捐 祝 揖 祝 融

靈 鷄 雞 溜 滉 瀏 亮 府 俯 沐 髮 馱 驥 駟 虞

隨 隨 壘 轡 歛 吸 沉 淦 澀 閭 闌 寒 門 颺 疑 瑟

允 疑 神 寘 疑 而 威 陵 揚 揚 雲 襜 旗 大 儀 儀

靈脩脩 傅傅 說

張猛龍碑 像像 望望 嵬嵬 絹絹 先老 使

使 沮涑渠 饒洮 河 出弟 弟 泣血 血 磬磬 力

式式 休休 万刃 刃 莫英 徽 承承 華 鄩鄩

方 羣冥 冥 王奩生造頌

李仲璇孔子廟碑 黃寅 賓 敷敷 化 鄩鄩 魯 蒞

踈扶 踈 竦蒞 蒞 曲圯 阜 咲笑 聘聘 百刃 刃

諛庶 質 質 昭照 良 梁 木 西栖 樓 煥爛

爛

太公呂望碑

與之蹀歸

發其潛盡盡之所出

二盡
字俱

當作
書

功施施於民

儒默墨

都都

躬聖

杭

枕

率率

狼貌

含蒙毫彈翰翰

其詞粵

曰

鄆曾鄆魯

巫咒巫祝

昏醕有觴

華歲夷

曾

胃胃

驪山温泉頌

數刃刃

峻峻極

公疎餽

高塘唐

之雲

尅尅神尅聖

棊綠樹

北齊郭巨碑 升斗

南陽寺碑 雜踏香 奸軌宄 葵蔽日 惚疑峰 虧

構 蒺藜 扶疎 烏象 苑苑 肯胥

後周華嶽頌 陟升 荊荆 壑壑 菁菁 恒姪 娥

旂旃 蒙哥歌 袞袞 無壇疆

豆盧恩碑 龍襄驤 將軍 沙苑苑

龍藏寺碑 斗升 踐祚祚 河何人 伽藍藍 雖

壞懷 煩惚惱 北拒吾五臺

啓法寺碑

挺植

埏埴

不惻測

蕤蕤

裏喬

經

綱

剝剝

陘鄜

陘鄜

魚象

狺狺

常醜奴墓誌

慕暮齒

申曳

救救

蔡菊

陳明府修孔子廟碑

滌漑

釜

咲笑

姚恭公碑

析

禰倪

通勉

敬友穆睦

親

唐宗聖觀記

井韓幹

皇甫誕碑

肅煞殺

旌旌

橫劔控枒

柅

拈析

冒胥產

鄆鄆

簡簡

呪祝

網泣辜

申曳

裾朱

邱馬獨鬣初封

昭仁寺碑 光兒 臭鼻

夫子廟堂碑 冒胥史 反及 燄烽 莫幕 袞裕

兜莞爾微笑 撮齋齊 餐餐 資覆匱實以

成山 荊荆 哥歌頌 鄆鄆

化度寺碑 戢葛

九成宮 造造 迢迢 逮逮

虞恭公碑 逮逮 料料 方絕大漢漢

歐陽詢書九歌 蘭旌

褒公碑 逯逮 剗剛

孟法師碑 江凌陵 祕訣 莒莒 泰 摸模 楷

褚書聖教序 苑苑 簡簡

褚書兒寬贊 版築飯牛之朋 作明 韋玄成 作弘成

懷仁聖教序 耶邪 拈析 苑苑 經網 攬覽

李衛公碑 蔓蔓 畝畝 俗俗

王居士塔銘 惚惚 纏纏

蘭陵長公主碑 皇帝字皆作篆文 搖瑤華韻月

邁奉舊倩之傷神 歲歲

許洛仁碑 墜墜主 捕蒲州 渥渥 度曲村荆聲

道因碑 苑苑 才晤悟 聰晤悟 鳥鳧 頤怡然

理順 具禍以蓋燼 崕岷 蹲鷄 袞裕 營

輯茸 原原 源

李文墓誌 碎卒 負負 膺恍疑 舟輕 郢斲
斲

孔宣公碑 魯國鄆人 擊磬 科科斗 泚

汎 杼 梓材 浮磬 磬 衛 率性 文 畫 畫 緯 載

無聲臭

華陽觀王先生碑 施妍媯 屬醜 泚泚 挺莛 橫楹

從 三形 荆之樹 獸 獸 璫 瑣 闈 玄兔 莧 蓬

蜂飛 媯媯 斑班 倭 苑 苑 功 虧 覆 蕢 簣 啟

鄭惠王石塔記 漆 七

修孔子廟詔表 兩 雨 露 爵 鼎 莊 莊 鼓 鼓 賸

朕

乾封元年祭孔子文 生薑

葛

李英公碑 質

開業寺碑 孰孰能 太土 吐吐 泚泚

褚亮碑 輜輜 蓋 析析

澤王府主簿梁君誌銘 薄薄 慕慕

纂纂

梁師亮墓誌銘 醕觴 旌旌 欽明廢代 尊尊

纏纏 譚覃 思漆書 慄慘

于大猷碑 天骨昂昂藏

李承嗣造佛像銘

斲斲

法琬碑

五袴袴

為象

珍彌

葉蓋

甯思道石浮屠銘

上輕

輕車都尉

鳥鳧

矧矧

苑苑

黃陂萬頃頃

景龍觀鐘銘 正書中多用篆體

契苾明碑

管管

鷹揚

前从木
後从才

玉質金箱相

圖

誅牒

莫質特勤勒

特勤勒

垂譽

碑俱用武后

字

澆藏禪師塔銘 塚宰 沮澀 恣恣 弑殺戮 奠

裔

葉慧明碑 殄彌 為象 考盤槃 遁代世 勿用

頤順

張廷珪孔子廟碑 趙遁肩 眼朗 日 效矧

韋虛心北嶽碑 魁魁

梁高望石浮圖銘 神元妙頤蹟 苑苑 彤荆 弘

引

秦望山法華寺碑

炯炯異誠

僧瑤異繇

豪濠州

御史臺精舍碑

壓殿中

琴二泚二泚

各各

蹲

贊贊贊

淨業法師塔銘

父迥

栝栝地之姿

乙速孤行儼碑

棄海

荆揚

殄彌漫

升明

慶

少林寺碑

申縞縞林之敬

石磬磬

王克潛僭號

蔡雍邕

德鑿鑿神珠

迎迎

覽覽

有典咸

秩秩

嶽麓寺碑

轡轡

攷矧

惱惱

但但

東林寺碑

範梵經

惱

鏢鎖

憧幢

旃栴檀

陶侃侃

龐履温碑

衛霍霍

子臯羔

用成宰事

大智禪師碑

多所通括括

旃栴檀

楮搢紳

石壁寺鐵彌勒頌

苜蓿

祭祭

淨觀觀

迴回祿

剛剛 大德茂忠守迪

欽定四庫全書

金石文字記

十五

道振禪師塔銘 憇憫物 倦倦 構遘疾

充公之頌 傑傑

隆闡禪師碑 刹刹 檀那 那 猶由是 我城域

耶邪山 懋熙怡

嵩陽觀頌 矐愕貽 歟升仙太子 印印

多寶塔碑 苾芻芻 旃栴檀 印印

臧懷恪碑 潔潔矩 楊揚州 自天寶距距于開元

郭敬之家廟碑 行中潔潔矩 麾城擗擗邑 邦之

攸慙

壁

段行琛碑

牛齒

同

啓絲

虎不缺

景教流行碑

寶裝璀璨翠

聚

不空碑

為

象

何攘

讓

靳英希墓誌

時流響

嚮

風

楚金禪師碑

工人仔

梓

匠

為

象

閑

閑

熠

熠

耀

剎剎

怛怛

真縱

蹤

周孝侯碑

基

大護

護

舉

舉

預

豫

章

射獸

虎

獲護軍 初刻 虜度 去去廿世 事已 揮插

鉤 廿世 存風烈 俗哥歌 揆日

邠國公功德銘 鼓鼓 凡瓦 矢矢 開關 極極

李晟碑 迤迤 演于後 如衝如援 援 弥珍 邁構

亂

玄奘塔銘 納衲衣 日 曰

贈太師崔陞碑 徂萊 來

玄秘塔 頤頤 澹澹 槃

神策軍聖德碑

齊聖廣泉

淵

歲蕤

蕤

解辯蹶

厥

角 大特勤

勅

唄沒斯

圭峰禪師碑

礧

礧

州

鄭恒墓誌

淇隕

澳

私茅第

內罔極

葉業

業文者

武安君白公廟記

鯨敵

零

橋

星門

崔鏗北嶽廟碑

豐神

畢卵菲

涑易疎

疏

其浸

如抵指諸掌

屐昇中

君多

森蘿

羅

節庀

度

沐浴皇儷

化

賡哥歌太平

竿

美

殲魁

魁

續繪事後素

文賢劫像銘 珉

珉

後唐李存進碑 楊畱

劉

補遺

古金石刻不獨文詞之典雅字畫之工妙為可愛玩而先賢事跡前代制度不詳於史者往往著見焉其有資於博聞多識不細矣而其為物散在天地間日亾日少好古之士薈萃成書者十數家收之博而辨之精無若歐趙二錄歐錄之目千趙錄二千皆據其實有者籍記之他書循名泛列固不辨其存亾也亭林先師實甚好古遊轍所至旁搜博採著成此書惟

就碑刻現存及收得拓本者錄之得三百餘通其數少於歐趙而考論詳核不啻過之夫今之去宋僅五百餘年而十亾七八則過此以往又當何如以彼亾佚者為可惜則其幸而存者可不知寶重哉耒夙有此好孜孜訪求所得有在茲編之外并歐趙所未錄者不忍使其無聞謹附載於後以見古碑之亾於通都大邑而留於荒村窮谷者尚多有之蒐羅表章無令泯滅是所望於後之君子門人潘耒謹識

漢桐栢淮源廟碑 八分書 延熹六年

今在桐栢縣

洪氏隸釋載此碑缺五字今拓本字畫完好而乏淳古之氣蓋唐人重刻者據朱長文碑帖考云是釋贍書釋贍開元時僧金石錄中有北嶽恒山碑亦其所書也

後魏中嶽廟碑 八分書 太安二年

今在登封縣

金史四十二
卷六
魏太武帝因道士寇謙之奏請夏造嵩嶽新廟立碑
紀事趙氏金石錄有其目余謁廟見此碑有一孔疑
是漢碑審視乃知其為魏也碑中直稱謙之為天師
為師君以太武奉道親受符籙故云然字體近拙而
多古意中段剝蝕首尾具存碑陰復多題字嵩山碑
刻自漢二石闕銘外無古於此者近日葉井叔作嵩
陽石刻集記不知何以遺之

北齊嵩陽寺碑 八分書 天平二年四月

今在嵩山會善寺

碑記生禪師造塔及其徒倫豔繼造二塔事書法不
工而碑文可誦碑後刻云大唐麟德元年歲次甲子
九月景午朔十五日庚申從嵩陽觀移來會善寺立
則唐人固以為舊物而珍之矣歐趙錄却不載

唐龍門山石像記 正書

今在洛陽縣

龍門山鐫石為佛像無慮萬計石窟最大者今名賓

賜洞像尤高大洞外石崖高處有刻字拓之得二十餘行首尾不具不知年月姓名按集古錄有三龕記貞觀十五年魏王泰為長孫皇后造峯文本撰銘褚遂良書今拓本有聿修陰德等語又有左武侯大將軍相州都督雍州牧魏王及懷鏡奩而不追云云知即此記也

汾陰公薛收碑 于志寧撰 永徽六年
今在醴泉縣

昭陵陪葬者百六十五人今存者僅十六碑記中載其十五惟遺此碑先師所錄必目覩其碑與收得拓本者非然則置之蓋其慎也碑止存百餘字而額尚完

葉有道碑 李邕撰并書 行書 開元五年

拓本

有道之子慧明孫法善三世為道士明皇時法善見尊寵其祖若父之墓碑邕皆撰而書之可謂濫矣書

法秀逸閒雅不見欹側之態蔡君謨謂是邕書最佳者良然

端州石室記 李邕撰 正書 開元十五年

今在高要縣

肇慶府北七星巖古名定山亦曰崧臺有洞通明窅委記刻在洞門石壁不類北海書集古錄疑為張庭珪書庭珪長於八分凡邕文而庭珪書之者皆八分此則正書恐未然也記中云有若邦伯早公開元時

有畢刺史者為宋璟所稱早當作畢是摹刻之誤

支提龕銘 蔡景撰 正書 開元十九年九月

今在林縣砮峪

衛輝府林縣林慮山在其西黃華天平砮峪其最勝處余遊砮峪宿砮山寺見元勅旨碑金燈記勅公碑寺東三里許路傍有石龕刻三佛像視其銘乃唐物也書非名人而有初唐筆意以地僻人見者少故不入歐趙諸錄惜在露地當移置寺中乃可久耳

大照禪師碑 李邕撰并書 行書 天寶元年

拓本

大照名普寂大通秀之嗣去達摩七世是名北宗門
庭甚盛所謂兩京法主三帝門師者也碑當在嵩嶽
寺今不存拓本乃翻刻者不逮雲麾嶽麓亞於娑羅
耳

比干墓碑 李翰撰 正書 天寶十載

今在汲縣比干廟

唐太宗追贈比干為太師貞觀中既立碑刻詔及祭
文天寶中李翰官於衛作此碑述封表之指其文雅
正選入唐文粹中今碑乃宋建中靖國元年汲令朱
子才重立

少林寺還天王師子記 正書 天寶十四載
今在少林寺

碑載久視年間僧義獎等狀 及武后口勅碑小非
名筆故諸錄遺之葉井叔官於登封而石刻記亦不

全少四ノ二
卷六
載余至少林周行廊廡見此石嵌置東廡壁間亟捐
得之知考古必須親閱也

晤臺銘

元結撰

篆書

大曆二年

浯溪銘

元結撰

瞿令問篆書

大曆三年

唐亭銘

元結撰

瞿令問篆書

大曆三年

右三銘竝在祁陽縣

元次山愛祁陽山水遂寓居焉名其溪曰浯溪築臺
曰晤臺亭曰唐亭所謂三吾者也臺銘刻在臺之背

甚完整溪銘亭銘刻於東崖石上隨石歌斜蘇厚難
搨而篆筆特佳視臺銘更勝別有黃山谷書百餘字
云與陶介石披榛翦穢得次山銘刻喜而識之又有
皇甫湜五言古詩一首次山之子讓五言長律一首
俱刻在中興頌之旁

般若臺銘 李陽冰篆 大歷七年

今在福州烏石山

閩中絕少古刻鼓山題刻如麻無一唐蹟惟此銘在

三山為最古又聞石塔寺有唐貞元中碑余未之見
延陵季子廟碑 蕭定撰 張從申書 大歷十四年
八月

今在丹陽縣

丹陽城西南六十里有延陵鎮去鎮九里為吳季子
廟有孔子十字篆碑及潤州刺史蕭定修廟記大理
司直吳郡張從申書并識重刊篆碑歲月二碑蓋同
時立也歐陽公不喜從申書僅錄其三碑今存者獨

此耳昔人評張書頡頏李北海今觀遺刻挺勁有餘而乏雋逸之氣恐未堪肩隨也

濟瀆廟碑 張洗撰 八分書 貞元十三年

拓本

唐制附祭北海於濟源此碑記新作祭器事碑文乃濟源令張洗字濯纓所撰簡古有體裁一洗駢儷之習洗與韓退之同時文體已矯傑如是蓋文弊之極而將變元結權德輿輩皆然不獨韓也

阿育王寺常住田碑 萬齊融撰 范的正書 太和

七年十二月

今在鄞縣育王寺

碑載寺田興廢始末開元中秘書正字郎萬齊融撰
文趙州刺史徐嶠之書碑燬太和中復立明州刺史
于季友作後記屬處士范的重書之鄭氏金石略載
的所書凡五碑則固有名當時者碑未有季友與的
唱酬二律可補唐風之遺

復東林寺碑 崔黯撰 柳公權書 大中十一年

今在廬山東林寺

寺廢於會昌宣宗初崔黯為觀察使謀於舊僧正言
修復之黯為作記歐公稱其文辭道麗可愛今碑斷
缺不可讀而字畫存者殊佳東林惟此殘刻及翻刻
李北海碑猶存舊蹟若歐陽率更西林道場記顏魯
公題名崔融題詩李渤題影堂碑陰皆不可見矣

尊勝陀羅尼經 正書 咸通四年八月

拓本

經刻於石幢漳州押衙王嗣造建州司戶參軍劉鏞
書書法婉雅酷有虞氏廟堂筆意其碑當在漳州今
未知存否尊勝石幢在處多有余所見吳中包山寺

闕

年刻温州仙巖寺大中年刻皆完好包山者書

法尤佳字大而刻深宛然如新也

修禪道場碑 正書 無年月

今在天台山

寺在佛隴為智者大師修禪之所碑文補闕梁肅撰
台州刺史徐放書天台山志所載有陳隋唐碑十五
六通訪之都不存獨有此碑矗立榛莽中日就剝泐
徙置近寺十夫力耳此碑現存而歐趙二錄皆不載
是知昔人罌漏亦不少也金石畧所載又有天台佛
隴禪林寺碑亦徐放書今則亡矣

石橋寺詩 貞元三年正月

今在衢州

衢州府城南三十里有爛柯山相傳為王質遇仙之
所有洞明豁旁峙一碑乃唐衢州刺史嗣江王禕所
題五言古詩元和元年州刺史陸庶記云刺史韋公
以外祖信安郡王詩刻石朱彞尊云考新唐書表太
宗第三子吳王恪恪第三子琨琨子禕舊唐書傳禕
少繼江王躒後封為嗣江王改封信安郡王景雲開
元中兩為衢州刺史詩當作於景雲間而刻於貞元
也詩中有薄煙幕遠村遙峰沒歸翼二語楊用修以

為仙人遺句殆未見此碑故耳又有二碑刻唐人劉
迴李幼卿李深謝劇羊滔薛戎詩各一首今亡

朔方節度使李光進碑 令狐楚撰 嗣子季元行書

元和十一年

今在榆次縣


光進與弟光顏並為唐名將憲宗平淮西光顏功最
高唐書二人並有傳光進碑令狐楚所撰光顏碑李
程所撰皆名臣也然歐趙二錄皆無此二碑歐錄所

載李光進碑楊炎撰韓秀實書者乃李光弼之弟非
光顏兄也趙錄有贈太保李良臣碑則光進之父官
止雞田州刺史初無功績以光顏故贈太保與二子
同葬一地乃趙氏錄其一而遺其二殊不可解余友
朱錫鬯過榆次趙村搨得此碑以副本遺余故得而
錄之其良臣光顏碑則已見記中矣

憫忠寺重藏舍利記 景福元年

今在本寺

舍利塔一燔於太和八年一燼於中和二年至是僧
復嚴募舍利於憫忠寺觀音像前南敘述記知常書
之碑中所云隴西令公大王者李匡威也匡威欲遷
舍利於閣內至拜疏於朝請發封壤詔可而後行當
時崇重法寶如是



金石文字記卷六

三十一
卷六